



**Volumen Epistolarum, Qvas Romani Pontifices, Gregorijs  
III., Stephanvs III., Zacharias I., Pavlvs I., Stephanvs IV.,  
Adrianvs et Pseudopapa Constantinus miserunt& reges  
Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Pippinum Regem, in  
qua continentur gratiarum actiones, & de sanitate ipsius, seu Caroli, & de  
Marino, presbytero, atq[ue] de Rauenna, qualiter contra ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Pape, ad  
Domnum Pippinum Regem, in qua continentur gratiarum  
actiones, & de sanitate ipsius seu Caroli, & de Marino,  
presbytero, atq; de Rauenna, qualiter con-  
tra eandem mala machinan-  
tur consilia.*

## XXXII.

**D**OMNO excellentissimo filio, & nostro spirita-  
li compatri Pippino Regi Francorum, & Pa-  
tricio Romanorum Paulus Papa. Eximia  
& à Deo protectæ excellentiæ vestræ, harum deferen-  
te portitore, destinatos apices omni plenos dulcedine  
ac amore, quos cum magno venerationis affectu ac-  
ceptantes, liquidius cuncta in eis inserta agnouimus:  
inter hæc quippe, excellentissime fili, vestra nobis præ-  
cella innotuit benignitas, qualiter diuina Dei nostri  
fauente misericordia, sani atq; sospites & illesi existē-  
tes sitis, simul cum excellentissimis natis vestris, spiri-  
talibus nostris filiis, Carolo & Carlomanno, magnis  
Regibus; atq; Domna Bertrada Regina dulcissima,  
\* spiritali commatre nostra nec non & Gisila nobilif-  
sima nostra Filia. Quibus agnitis magnas ac innume-  
rabiles polorum arbitro ac regi Regum Domino Deo  
nostro retulimus laudes, quoniam iuxta id, quod an-  
helantius optantes desideramus, vestram addiscere  
meruimus sospitatem; pro quo Dominum Deum no-  
strum sedulis deprecationibus imploramus, qui nos  
per multorum curricula annorum de vestra integra  
sospitate faciat exultare, eo quòd vestra salus, nostra  
est exultatio, & vestra prosperitas nostrum, procul  
dubio, existit gaudium.

*Summ. 10.  
Bar. &  
Cent.*

*\* Coniuge  
vestra.*

T =

Et

Et hoc in vestris regalibus apicibus continebatur adscriptum, quatenus vobis innotescerent significarem, si circa sanctam Dei Ecclesiam, atque nostram mediocritatem, vel populi nobis commissi salus aut integritas profligaretur. Nam & de hoc magnas & innumerabiles gratias Deo omnipotenti, & vestrae excellentiae referimus, quia sicut reuera Christianissime, & vere Dei cultor Ecclesiam Dei & populum vestrae Excellentiae visitare non piget, sed hoc non nostris meritis, sed diuina proueniente misericordia, agitur dum omnia prospera circa sanctam Dei Ecclesiam, atque nostram mediocritatem, vel nobis commissum populum existunt, pro quo Deum caeli, penitus omnium bonorum largitorem, rogabimus, vobis pro hoc praecipuo ac pio opere sit retributor, ob tantam benignitatem & sollicitudinem, quam circa sanctam Dei Catholicam & Apostolicam Ecclesiam, vel eius *\*peculiarē* familiarem populum habere dinoscimini.

Sed & hoc in ipsis vestris relationum apicibus continebatur, per vestros vobis fuisse nuntiatum legatos, quod à quibusdam malignis & mendacium proferentibus, in istis partibus diuulgatum esset, quia si aliqua nobis necessitas eueniret, nullum nobis auxilium praebere volueritis: De quo nefario dicto nequaquam nobis fuit, aut est haesitatio, quia, diuina faciente misericordia, magnam in vobis, post Deum, spem & fiduciam habemus; agnoscentes, quod, Deo propitio, nullum de quacunque parte erit impedimentum, vobis defensionem atque auxilium sanctae Dei Ecclesiae, vel eius peculiaris populi impertiendi, iuxta id, quod B. Petro Apostolo, per beatæ memoriae praedecessorem, domnum & germanum nostrum, ob remedium  
ani-

animæ vestræ & veniam delictorum vestrorum, pollicentes spondidistis, quod in perpetuis temporibus, Domino annuente, firmum ac robustum credimus permanere.

At verò, vnde nobis Christianissima vestra direxit Excellentia, quòd si quis è vestris aduersariis, aut contemptoribus ad nos venerit, nullo modo cum eis nos, aut in eorum societate misceri, absit à nobis, vt hanc rem faciamus, dum profectò vestri, inimici sanctæ Dei Ecclesiæ & nostri existunt; Quapropter testatur veritas, quia vbi vestros amicos agnouerimus, tanquam amicos & fideles sanctæ Dei Ecclesiæ oblectare & amplecti cupimus; & vbi vestros inimicos inuenimus, veraciter, tanquam inimicos sanctæ Dei Ecclesiæ, & nostros proprios, ita eos respuimus atque persequimur, quia vestri amici sanctæ Dei Ecclesiæ, & nostri existunt, & hi qui inimicitias contra vos machinantur, profectò inimici sanctæ Dei Ecclesiæ & nostri esse comprobantur.

De Missis verò vestris ac nostris, quia ad Regiam Urbem simul properauerunt, de quibus petiit nos vestra præclara excellentia, sibimet à nobis significari, si quid ex eis addiscere potuimus, cognoscat vestra à Deo protecta eximietas, quòd in his diebus nihil ab ipsis cognoscere potuimus, dum profectò vobis incognitum non est, quod per tam sæua huius hiemalis temporis asperitate, nullus de illis partibus adueniens nobis adnunciauit qualiter circa eos agatur, & ideo ad præsens ignoramus, quid vobis de eis veraciter significemus.

At verò de Marino presbytero scripsit nobis Christianissima Excellentia vestra, quod demum in pristi-


no esset constitutus honore, secundum qualiter vobis postulantes direximus, nos quidem testem Deum proferimus quod pro nulla aliare pro eo vobis direximus, nisi propter lachrymas & cotidianas lamentationes quas eius genitrix effundere non cessat, quæ & orbata lumine existit, & ideo vobis direximus, ut apud vos eum absolueret debuissetis, quia nihil de eo vobis fuit aut est, sed nec nobis, nisi tantummodo de eius iniqua malitia, quam contra sanctam Dei Ecclesiam maligna atque peruersa motus audacia agere præsumpsit. Sed de hoc, sicut per anteriores nostras litteras excellentiæ vestræ direximus, in vestro sit arbitrio vel potestate, quid de eodem disponere volueritis. Nulla nobis de eo cura est, nisi ut prædiximus, qualiter vestra fuerit voluntas ita de eo disponere debeatis. At vero nobis direxit excellentia, ut vobis intimare debeamus si nobis idem Marinus suas direxit litteras, de quo, teste veritate, dicimus: nunquam nobis suas direxit litteras ex eo, quando illuc apud vestram excellentiam properatus est. Nam nullo modo vobis vetare habuimus, si factum fuisset.

Interea nempe ea, quæ à fidelibus sanctæ Dei Ecclesiæ, & nostris, id est, de partibus Rauennæ ad nos peruenierunt, aptum prospeximus vestræ Excellentiæ intimanda, eo quod æmuli sanctæ Dei Ecclesiæ & nostri, atque vestræ excellentiæ, die noctuque non desinant pertractare, qualiter nos sibi Deo contrario præualere ac superare possint. Tamen & ea ipsa scripta, quæ exinde suscepimus, infra has nostras litteras Excellentiae vestræ direximus; quatenus rei meritum addiscantes agnoscat, quod illi à suo maligno proposito, & solita nequitia nequaquam desistunt: pro quo,  
Chri-

Christianissime bone fili, & spiritalis Compater eni-  
xius elaborare, atque decertare iubeas, quatenus bo-  
num opus quod cœpisti, per te compleatur, & vt  
sancta Dei Ecclesia, & eius peculiaris populus, perfe-  
ctam habeat liberationem & securi ab inimicorum  
insidiis permaneant.

De reliquo vero petimus diuinam Dei nostri mi-  
sericordiam, vt vos per multorum annorum curri-  
cula, in folio regni vestri conseruare dignetur, vna  
cum excellentissimis vestris natis, nostrisq; spiritalibus  
filiis, Carolo & Carolomanno, Regibus Francorum  
& Patriciis Romanorum, nec non domna Bertrada  
excellentissima Regina, spiritali nostra commatre,  
vestra coniuge, simulque & Gisila nobilissima puel-  
la, nostra spiritali filia, ad exaltationem & defen-  
sionem sanctæ Dei Ecclesiæ, simulque & eius pe-  
cularis populi, optantes diu vestræ prosperitatis  
gaudia addiscere, atque immensam pro vobis di-  
uinam implorare clementiam. Incolu-

mem Excellentiam vestram gra-  
tia superna custo-  
diat.



*Item*